

# المختصر

في مسائل الطهارة والعبادات

---

مما من الله سبحانه به على عبده

محمد زهني

---

طبعة أولى



سنة

١٣٣٢

باسم الله والحمد لله والصلاة والسلام على خير خلقه سيدنا محمد  
خاتم رسل الله .

انسانه عقائد حقه و طهارت كامله اوزره عباداتى و عدل  
و نصف اوزره ماملاتى و اخلاق فاضله اوزره معاشراتى تعلم  
ايتمكده اولديغندن دين اسلامدن بيوك نعمت اولماز. الحمد لله  
على نعمة الاسلام و كفى بنعمته .

( نعمت اسلام ) نامنده كوچك بر علم حال رساله سى و ارايدى كه  
اورساله جك اخيراً فقهك عبادات و مناكحات اقسامى حاوى  
بيوجك بر كتابه مبدأ و قسم اول اولمشيدى .

عبادات قسمى طهارت و ساتات و صوم و زكات و حج  
مسائلنى جامع مستقل بر كتاب اوله رق نعمت اسلامه قسم نانى  
قيلنمش و ذباح و اضحية و عتيقه مسائللى ده كتاب الحجه ذيل  
ايدلمشيدى .

اشته او بش كتابدن عبارت اولان قسم نانى نعمت اسلام  
بودفه اختصار اولنه رق كتابلرك اسملى اولنه بر ( مختصر )  
كلمه سى كچيرلى و جمله سنه بردن ( المختصرات فى مسائل الطهارة  
و العبادات ) نامى و يرلى . كتاب زكات ايله كتاب حجك  
مختصر لرينه اصللر نده اولميان بعض مسائل زياده ايدلى [\*].

و ماتوفيقى الابالله . فى ٦ محرم سنه ١٣٣٢ . محمد زهنى

[\*] اوزياده نك كتاب الحجه عائد اولانى اصلك طبعه ثانيه سنه

دخى موجوددر .

## مدخل

کتاب علم فقہک عبادات قسمندن باحشدر. (فقہ): أفعال  
مکلفینه متصل اولان أحكام شرعیه بیلمکدر. بیلنه (فقیه)  
دینور.

فقهانك اعظمی عملده مقبوعمز اولان (امام ابوحنیفه)  
نعمان بن ثابت حضرت تلیدر ۸۰ تاریخده طوغمش و ۱۵۰  
تاریخده بغدادده وفات ایشدر. مدت حیاتی یتمش سنهدر.  
• باصری اولوب مدینه منورهده بولندی چیته (امام دارالهیجره)  
دیو معروف اولان (امام مالک) حضرت تلی اندن اون یاش  
کوچکدر که ۹۰ سنه سنده تولد ایش و ۱۷۹ تاریخده مدینه منورهده  
وفات ایشدر. مدت حیاتی سکسان طقوز سنهدر. امام ابوحنیفه  
حضرت تلینک و قاتی کونی (امام شافعی) حضرت تلی تولد ایشدر که  
ولادی ۱۵۰ تاریخده در. وفاتی ۲۰۴ سنه سی مصرده وقوع بولشدر.  
مدت حیاتی الی درت سنهدر. امام مالک اصحابندن ایدی امام  
ابوحنیفه حضرت تلینک اصحابنده ملاقی اولدی. فی الاصل امام  
شافعی حضرت تلینک اصحابندن اولان (امام احمد بن حنبل)  
حضرت تلی ۱۶۶ سنه سی تولد ایدوب ۲۴۱ تاریخده بغدادده وفات  
ایشدر. مدت حیاتی یتمش یدی سنهدر.

ذوات مشارالیهم حضراتنه ( ائمه اربعه ) تعبیر اولنور .  
 جمله سی اهل سنت و جماعت و اصحاب تقوی و مظهر توفیق و هدی دره .  
 اجتهاد ایتدکری مذهب و مذهب لرینک منسوبیننه ( حنفی ) و ( مالکی )  
 و ( شافعی ) و ( حنبلی ) دینور .  
 ممالک عثمانیه اهالی مسلمه سنک اکثری حنفی و خلافت  
 اسلامیة دخی مذهب حنفی اوزره جاری در .

مشارالیه ( امام ابوحنیفه ) حضرت لرینک ایکی مشهور  
 تلیدی وارد در [\*] که بری ۱۱۳ تاریخنده تولد و ۱۸۲ تاریخنده  
 وفات ایدن امام ابو یوسف یعقوب بن ابراهیم و دیلری ۱۳۵  
 تاریخنده طوغوب ۱۸۹ تاریخنده مرحوم اولان امام ابو عبدالله  
 محمد بن الحسن حضرت لریدر . بو ایکی ذاتک بری کینه سیله ( امام  
 ابو یوسف ) دیو و دیکری اسمیله ( امام محمد ) دیو یاد ایدیلور .  
 ایکی سنه بردن ( امامین ) و ( صاحبین ) تعبیر اولنور . مذهب  
 حنفی بی حضرت امامدن اخذ ایتدکری اصول اوزره بو ذاتلر  
 ضبط و تحریر ایتمشلر و آلدقلری علم ایله مآذون اولدقلری  
 مناظره نتیجہ سی اوله رق برطاقم مسائلده کاه متحداً و کاه منفرداً

[\*] عدد تلامید امام بیکه بالفدر . انلرک اجل و افضل قرق ذاتدرکه  
 درجه اجتهاده وارمشلردر . انلری حضرت امام کندیسنه تقریب ایدر  
 و برحاده وقوعنده انلرله مذاکره و مشاوره و بعضاً برآی ودها زیاده  
 مدت مناظره ایلر ایدی . رد المختار .

استاذزینہ مخالف قالمشردر. کتب فقہیہ نک متلری قول امام  
اوزرہ مرتبدر. قول امامین بشقہ جہ کوسترلمکده در .

امام ابو یوسف مذهب حنفیہ ( امام ثانی ) و امام محمد ( امام  
ثالث ) عد اولندیغندن امام ابو حنیفہ حضرت تریلہ امام ابو یوسف  
حضرت تریبک اتحاد ایتدکاری حکم مسئلہ ( عندالشیخین ) دیو  
کوستریلور . و امام ابو حنیفہ ایله امام محمد حضرت تریبک اتحاد  
ایتدکاری مسئلہ ( عندالطرفین ) دیو کوستریلور . امامین  
حضرت تریبک متحداً حضرت امامه مخالف بولندقلری مسئلہ  
ایسه ( عند الامامین ) یاخود ( عندالصاحیین ) دیو ذکر اولنور .  
جمله سندن حق راضی اولسون دین و دنیاہ بیوک خدمت  
ایتمشردر .

( افعال مکلفین ) : مکلفلردن صادر اولان فعللردر .  
( مکلف ) : عاقل و بالغ اولمق جهتیله اوزرینه شرع شریفک امر  
ونهی جاری اولان ارکک و قادیبدر . امرلرک ونهیلرک حاصل  
ایتدیکی اثره ( حکم ) دینور و ( احکام ) دیو جمعلنور .  
( احکام شرعیه ) که ( احکام تکلیفیہ ) دخی دینور : وجوب ،  
ندب ، اباحه ، حرمت ، کراهت دیو اجمالاً بش و تفصیلاً  
سکیز قسم صایله رق متعلقلری اعتباریله : فرض ، واجب ، سنت ،

مستحب ، مباح ، حرام ، مکروه ، مفسد دیو تعداد اولنور .  
 تنکیم آئیده استطراداً ذکر اولنور ( فی ص ۲۳ ) .

• مکلفدن صادر اولان فعل کرک عبادات کبی آخرته متعلق اولسون کرک مناسکات و معاملات کبی دنیایه متعلق بولنسون یامباح و یا حرام یا خود واجب و یا مکروه الخ اولقندن خالی دکلدن . بزشمدی آخرته متعلق اولان افعالدن - که عبادات تعیر اولنور - و آنک احکام شرعیه سندن بحث ایده جکیز .

( طهارت ) وسیله عبادتدر . فرض عین اولان ( عبادات ) :  
 نماز ، اورج ، زکات ، هجر . بونلرک هر بری بر کتاب ایله میندر . کتاب اول اشته بو ( کتاب الطهاره ) در ،

مختصر

# كِتَابُ الطَّهَّارَةِ



للعبد الفقير الى ربه الغنى

محمد ذهني

ردی نائستہ بینر ردی صومہ لاصدرہ کفت الا بالطرود

( مشوی )

بِسْمِ اللَّهِ الرَّحْمَنِ الرَّحِيمِ

## — کتاب الطهارة —

بو کتابده طهارتدن و آلت طهارت اولان صولردن [۱]  
وقوییلردن و أعذار و أنجاسدن و مطهراتدن بحث اولنور .

(طهارت) : تمیزلکدر که حَدَثٌ و یا خَبَثٌ زوالندن عبارت  
اولق [۲] اوزره ایکی نوعدر . برینه (حدندن طهارت) دینور که  
تعبدی بر تمیزلکدر .

دیگرینه (نجاستدن طهارت) تعبیر اولنور که غیر طاهر  
شیلرک ازاله سیله اولان تمیزلکدر .

---

[۱] آلت طهارت صودق عبارت دکل ایسه ده ازاله أحداث  
و أخبائه آلت اولقده اصل اولان اودره طهارت آبدسته و غسله و تیممه  
شاملدر نتکیم افادات آتیهدن ظاهر دز .

[۲] حدث و خبث کله لری سبب لفظی کبی بری برینی متعاقب ایکی  
فتحه ایله اولنور . طهارت شوبله ده تعریف اولنور : صلاتک تعلق  
ایندیکی محله استعمال مطهره مینی حکماً ظاهر اولان بر اوردر .  
(محل) دن مراد : بدن و لباس و مکاندر . اسم فاعل صیغه سیله  
(مطهر) دخی صو و پاک پر یوزی جنسیدر .

(حدیث) : استعمال مزیلہ دیکھ [۱] اعضا ایله قائم اولان مانع شرعیدر .

آنک اصغر و اکبر نوعی واردر . ( حدیث اصغر ) :  
آبدستسزئکدر . ( حدیث اکبر ) : جنبک ، حائضک ،  
نفسالق، در [۲] .

( خبیث ) : شرعاً مستقذر اولان یعنی مردار عد اولسان  
شیدر . انواعی (باب الانجاس) ده میندر .

حدیث اصغرك مزیلنه ( وضوء = آبدست ) و حدیث اکبرك  
مزیلنه ( غُسل ) دینور [۳] .

ازاله حَدَث و خَبَثَه اصل اولان صودر . بعضاً صعیب طیب  
( یعنی پاک اولان جنس وجه ارض ) دخی صویه بدل اولور که  
آکا ( تیمم ) تعیر اولنور [۴] .

صویه ( ماء ) و جمعنه میمک کسریله ( میاه ) دییه جکنز که  
صولر دیمکدر .

- [۱] ازاله ایدیجی شیئی قوللانجهیه قدر دیمکدر .  
[۲] اولکیدی ذکور و اناثه شامل اولان حدیثدر . ایکنجی  
و اوچیجی قادیلره خاص اولان حالدردر .  
[۳] بوتلر فصل مخصوصلرنده میندر .  
[۴] کتابده بوتلر ده فصل مخصوصی واردر ،

— میاه —

صویر آبدسته و غسله صالح اولوب اولماق اعتباریله ایکی  
قسمدر .

برقسمنه (ماء مطلق) و دیگر قسمنه (ماء مقید) تعیر اولتور .

( ماء مطلق )

علی الاطلاق صواسمنی آلانلردر: یغمورصوی، قارصوی،  
دکز صوی، دره صوی، کول صوی، قوی صوی، پیکار  
صوی [\*] کبی که بونلره یالکنز (ص) دیمک کافی اولور .

( ماء مقید )

علی الاطلاق صواسمی ویرلیوب بر قید ایله تعریف  
اولتانلردر: کل صوی، چیچک صوی، ات صوی، آصمه صوی،  
اوزوم صوی کبی که بونلره یالکنز (ص) دیمک کافی اوله ماز .  
سرکه و پکنز کبی نام دیگر ایله یاد اولسان مایملر ازاله  
حدنه صالح اولدینی کبی ذکر اولتان قیود ایله معروف اولان  
صویر دخی آبدسته و غسله صالح دکلدردر .  
آبدسته و غسله آنجق ماء مطلق نوعی صالحدر .

[\*] ( پیکار ) تعیری عمریده کی (عین) و فارسیده کی ( چشمه )  
لفظلری کبی قابناق و اشه، صولره و یلدیکنز چشمه لره شاملدر .

— ماء مطلق أقسامی —

ماء مطلق — اصل خلقتی اوزره قالمق وعوارضه اوغرایه رق غیر طاهر ویا غیر مطهر [۱] ویا خود مکروه ویا مشکوک اولمق اعتباریله — بش قسمدر .

برنجیسی ( طاهر مطهر غیر مکروه ) در : دکزلر ونهرلر واولیه واسع وکثیر اولسهده عوارض آتیه به معروض اولماش بولنان سولر بوقسمندرکه هم طاهر ، هم آلت تطهیر ، همده غیر مکروه الاستعمالدر .

ایکنجیسی ( طاهر مطهر مکروه ) در : راکد وقلیل اولوبده [۲] کدینک وفاره نك وزقاقله صالیویرلش اولان طاوغک وچایلاق وطوغان کبی یرتیجی قوشلرک آرتینی اولان صو بوقسمندرکه نفسنده طاهر همده آلت تطهیر ایسهده عوارضسزبشقه صو وارا بکن آنک استعمالی استکراه اولنور [۳] .

اوچنجیسی ( طاهر غیر مطهر ) در : آبدست وغسل کبی طهارت شرعیده قوللانلش اولان صو بوقسمندرکه نفسنده طاهر ایسهده ازاله حدث ایدیجی اولمق معناسنجه آلت تطهیر دکلددر یعنی

[۱] بو بایده کی (مطهر) کله لرنی هاء مشدده نك کسر یله او قویه جفته

[۲] راکد وقلیل و بونلرک مقابلی آتیده معرفدر .

[۳] کراهک تزییه ارلدیفنه اشارتدره .

آنکه آبدست آلتماز و غسل اولتماز . بوکا ( ماء مستعمل ) تعبير اولتور [۱] . انکه ازاله أنجاس اولنه بيلور .

دردنجیسی ( غير طاهر ) در : راكد و قليل اولدينی حالده ایچنه نجاست [۲] واقع اولان و كوكب يلامش بولنان زجاری اولدينی حالده نجسه ملاقی اولمغله اثر نجاست كندیسنده ظاهر اولان صو بو قسمدندر كه ماءنجیس ديمكدر . ارض و سبات صولامقدن بشقه شیده قوللائق جائز دكلدر .

( راكد ) : جاری اولمیاندر . انك قليل وكثیری اولور . سطحی بوز آرشون مربعنده اولمیان ماء راكد ( قليل ) وسطحی بوز ودهازیاذه آرشون مربعنده اولان ماء راكد ( كثير ) عدا اولتور . ( جاری ) اولان صولر كثير حكمنده در .

ماء راكد قليلی حاوی اولان موضعه ( حوض صغير ) و ماء راكد كثیری حاوی اولان موضعه ( حوض كبير ) دینور . ماء كثير حكمی : نجاسته ملاقات صورتنده طاد یا خود قوقو و یارنك جه انك اثری ظاهر اولمغجه طاهر اولمقدر . ماء قليل حكمی : نجاسته ملاقات صورتنده اثری ظاهر اولمسهده غير طاهر اولمقدر .

[۱] غسله میت ( یعنی جنازه بیقانون صو ) دخی بو قسمدندر .

[۲] بوله و خمره دخی شاملدر . دم و منی دخی نجسددر . نجاسته انك

أنواعی باب أنجاسته مبیندر .

بشنجیسی (ماء مشکوک) در : حمارك واسترك آرتینی  
اولان ماء را کد قلیل بوقسمندندرکه طاهر اولدیغنده شبهه یوق  
ایسهده مطهر اولسنده عندالفقهاء شك ایدلشددر .

بشقه صو وار ایکن [۱] آبدست ویا غسل ایچون آکا  
مراجعت اولنماز . اندن بشقه صوبولمیدینی تقدیرده آنکه  
آبدست آنور یاخود غسل ایدیلور بعده تیمم دخی اولنور [۲] .  
استطراد — را کد و قلیل اولان صودن انسان یاخود  
حیوان ایچمش اولق تقدیرنده او صو (سؤر) اسخی آلورکه  
آرتق دیمکدر . جمی (أسار) کلور . ماء کثیرده [۳] آرتق  
تصور اولنماز .

انسانک آرتینی اولان صو قسم اولدندرکه طاهر ومطهر وغیر  
مکروهدر . کرک چوجق ، کرک بیوک ، کرک قادین ، کرک ارکک ،  
کرک مسلم وکرک غیر مسلم اولسون . آتک ودوهنک وصیغیر  
وقیون وکچی جنسلرینک وکیک وطاشان کچی حیوانات ما کوله  
وحشیهنک وما کول اولان قوشلرک آرتینی دخی بویلهدر .

[۱] ولوکه قسم نایدن اولسون چونکه مکروهک دخی مطهرتی  
هتیقندر .

[۲] بو بدل ایله مبدل منهی جمع ایتک دکل بلکه فرضی آنلرک یالکز  
بریله ادا ایده بیللمک ایچونددر . اصلک ۱۴۷ نجی صفحه سنک ایکنجی  
هامشنه بافکنز .

[۳] جاری اولان صولر آزدخی اولسه حکماً کثیردر .

حيوانات اهليه دن حمارك واسترك آرتيني ذكر اولنديني  
اوزره مشكوكدر .

كلبك و خنزيرك وساثر جانورلرك آرتيني قسم رابعندركه  
غير طاهر در . كدينك وزقاقلرده كزن طاوغك و آتمجه وشاهين  
وطوغان و چابلاق كبي ما كول اوليسان قوشلرك وفارمنك  
وييلانك وكرتنكله نك آرتيني اولان صوقسم نائيندركه مكروه  
الاستعمالدر . تم الاستطراد .

### — ماء مقيد اقسامی —

( ماء مقيد ) اصلي وغير اصلي اولق اوزره باشلوجه  
ايكي قسمدر . آصمه دن وقاوون وقاربوزدن حاصل اولان  
وكل وچيچك صوبي كبي نباتدن چيقاريلان صولر (ماء مقيد  
اصلي) در .

ماءمطلقك بلا كراهه طاهر و مطهر اولان قسم اولي عوارضه  
مبني مكروه ويا مشكوك ياخود مستعمل وياخود نجس اولديني  
كبي مخالط طاهره قارشمله مقيد دخي اوله بيلوركه آكا  
(ماء مقيد غير اصلي) ديرزه .

مثلا حوض صغيره بر چوق تميز يابراق دوشهرك ودوشن

یا پراقر صویک ایچنده چورییه ریک طبعی اولان رقت و سیلانہ [۱]  
 خلل کلمش اولق صورتنده او صو (ماء مقید) اولوب آنکله  
 آبدست آلمق و غسل ایتک صحیح اولدینی کبی ایچنده نخود  
 و مرجک و بقله مثل طاهر شیلر پیشورلمک صورتنده دخی  
 او صو نخود (ویا) مرجک (ویا خود) بقله صوی نامی آلهرق  
 مقید اولش اولغله رقت و سیلانہ خلل کلامش بیلہ اولسه  
 آنکله آبدست و غسل صحیح اولماز .

صویه مجرد یمش یا خود یا پراق قارشمق و مصر یا خود  
 نخود ایصالدمق مانع اولدینی کبی صو بولانق یا خود یوصولنی  
 اولق و یا خود طول مکث ایله رنک و رائحهجه بوزوق بولمنق  
 دخی مانع دکلمدر .

### — تخری —

رأی غالب ایله طلب أحرى ایتک [۲] دیمک اولان (تخری)  
 بو بایده طاهری غیر طاهر دن تمیز ایچون بذل جهد ایتک  
 معناسنهدر . بوده آزی غیر طاهر و چونغی طاهر صولری حاوی  
 بر قاچ قابک قاریشق قونلش بولمنسی صورتنده اولور .

[۱] (رقت) اینجه لک و (سیلان) آققدردر . جریان کبی تلفظ  
 اولنور .

[۲] (أحرى) أعلی وزننده ألیق معناسنهدر . بو حالده (تخری)  
 مناسینی آرامق دیمک اولور .

آبدست آلمق ویا غسل ایتمک ایچون آنلر تحری اولنق  
لازم کلور. اکر آزی طاهر وچوغی غیر طاهر ایسه یا خود طاهر  
غیر طاهرینه عدداً مساوی ایسه تحری اولنمیوب [۱] دو کیلور.  
و تیم اولنور.

~~~~~  
— آبار —

قویی به (بئر) دینور. جمعی (آبار) کلور که قویبار دیمکدر.  
قویبار نقدر چوق صولی اولورسه اولسون سطح ماء اعتباریه  
حوض صغیر اولدیغندن نجسه ملاقات ایله متنجس اولور [۲]  
وتظهيرى بروجہ آنی أحكام مخصوصه به تابع بولنور. شویله که:  
طاوق وقاز واوردک مستثنی اولمق اوزره علی الاطلاق قوش  
ترسلری قویی پی افساد ایتمدیکی کبی، آت وحمار واستر و دوه  
وصیغیر وقیون وکچی ترسلری دخی چوق اولمادقجه قویی پی  
افساد ایتمز. بونلرک بوللری و طاوق وقاز واوردک ترسلری  
انسانک و کدینک وکوپکک الخ ترسی و بولی کبی - قویی پی  
افساد وتنجیس ایدر. بونلرک بریله یا خود ایچنه قان ویا خود قی

[۱] ایچمک یا خود بک پشورمک ایچون تحری ایدیه بیلور.

[۲] آتیا آکلاشیله - نی اوزره لاشه دخی نجسدر. (لاشه)  
حیوان دموی غیر مائی میته سیدر. آتیده ایضاح اولنور. یوباده نجاستک  
خفیه سی غلظه سنه مساویدر.

ياخود شراب [۱] وياخود سوڙى نجس اولان حيوانلرك لعابى  
(يعنى صالياسى) طاملامقله قوينى تجس ايدر . تطهبرى ايجون  
صوينى بوشالتمق لازم كلور كه آكا (نرح) تعبير اولنور . صوينى بر  
قوغه يى طولديره جق قدر قالمينجه يه دكين بوشالتيلور . نرحى  
ممكن اولمان قوينك صه يى ايكي عادل اهل وقوفك شهادتلىله  
تقدير ايدىلوب او مقدار موجودى بوشالتيلور . وياخود كندى  
قوغه سيله ايكيوز قوغه دن او چيوز قوغه يه قدر صو چكييلور .  
قوينى يه انسان [۲] ياخود قيون ويا چكى ياخود كوپك كجى  
كبير الجئه حيوان دوشوب اولمك و دوشن حيوان سرچه وفاره  
كجى صغير الجئه بيله اولسه اولد كدن صكره شيشمك ياخود  
طاغلمق وياخود توينى دو كوملك ايله دخى قوينى تجس ايدوب  
دوشن چيقارلد قدن صكره صوينى نرح اولتمق لازم كلور .

قوينى يه طاوق ياخود كدى وياخود بوجئه ده بشقه بر حيوان  
دوشوب اولمك و شيشمامك صورتنده دوشن چيقارلد قدن صكره  
جئه نك تفاوتنه كوره قرق قوغه دن اللى ياخود آلتش قوغه يه  
قدر صو چكييلور .

قوينى يه فاره ويا سرچه ياخود بوجئه ده بشقه بر حيوان  
دوشوب اولمك و شيشمامك صورتنده دوشن چيقارلد قدن صكره

[۱] فول راجنده مسكرات سائره دخى شراب كييدر . اسلك يوز  
طفسان آلتجى صفحه سته باقكيز .

[۲] ولو كه صبى مسلم اولسون .

یکرمی قوغه دن اوتوز قوغه یه قدر سو چکیلور .  
 صوك قوغه قوینك آغزندن آیرملقه هم قوی همده چکنك  
 الی وایچی وقوغه سی ومقره سی طاهر اولمش اولور .  
 قوی یه دوشوب اولمك ایله خارجه اولوب ایچنه دوشمك  
 ویا آتلق بر حکمه در .

قوی یه دوشن حیوان دیری چیمق صورتنده دوشن دوموز  
 ایسه قوی یه نرح اولنور . دوموز دکل ایسه انسان یاخود  
 آتی یینان حیوان اولدیغنه کوره اوزرنده نجاست اولدیغی  
 تیقن اولدیغجه برشی لازم کلز . آتی یینمیان حیوان اولدیغنه  
 کوره لعابنك صویه اصابتی جهتیله سؤر ا حکامی جاری اولور [\*]  
 سؤری نجس اولانلرده نرح لازم کلور . سؤری مکروه اولاندن  
 احتیاطاً اون قوغه یاخود دها زیاده سو چکیلور .  
 حارك واسترك دوشمه سنده قوی صوینك مشکوک اولماسی  
 صحیحدر .

بالق وینکچ و قوربغه کبی مائی اولان و بوجک و عقرب  
 و سینک کبی آقیجی قانه مالک اولمیان حیوانلر صوده اولمک و یاخود  
 اولوب صویه دوشمک ایله سو فاسد اولماز .

قوبیده لاشه نك غیرى نجاست کورلمك مسئله سنده تفصیل

[\*] سؤر ۱۳ نجی صفحه ده کی استطراده تعریف و تقسیم اولمشدر .

اولیہرق قوی وقت رؤیتدن اعتباراً متجسدر . کوریلان  
نجس لاشہ اولدیفنه کوره دخی زمان وقوعی معلوم ایسه بلاخلاف  
قوی او وقتدن اعتباراً متجسدر . وقت وقوعی معلوم دکل ایسه  
عندالامام آنک حکمنده تفصیل واردر : شیشمش الح اولدقجه  
احتیاطاً برکون وبرکیجه دن اعتباراً وشیشمش الح ایسه اوچ  
کون و اوچ کیجه دن اعتباراً قوی متجس صاییلور .  
عندالامامین قویینک نجسنه لاشه نک کورلدیکی زماندن اعتباراً  
حکما ولنور .

### استنجاه ، استبراء ، استنقاء

- [۱] ( استنجاه ) نجاستی قلع وازاله ایتمکدرکه تغوطدن [۱]  
صکره اولور .  
[۲] ( استبراء ) اخلیلدن اثربولی کیدرمکدرکه ارککک تبولندن [۲]  
صکره اولور .  
( استنقاء ) استنجاهه مبالغه ایدوب اثر قالماسق اوزره  
پاکلنمکدر .  
خلایه دخولده صول آباق وخروجده صاغ آباق آتیلور .  
استنجا واستبراءده صول ال قوللانیلور .

[۱] ( تغوط ) خلایه چیمقدور .

[۲] ( تبول ) بول ایتمکدر .

## وضوء

وضوء - که آبدستدر - حدندن طهارتدر . آبدستلی به ( متوضی ) ومقابلنه یعنی آبدستی اولیانه میمک ضمی وحاك سکونی ودالك کسری ایله ( محدث ) دینور . حدندن عندالاطلاق انك اصغری مقصود اولور .

محدثك حکمی اوچ شی اکا حرام اولمقدر: نماز ، طواف ، مس آیت

بونلرک برینه تشبث مراد ایتک آبدست ایچون سبدر . چونکه آبدستک رکنی ، شرطی ، سببی ، حکمی ، صفتی ، اررد . بر ماهیتک جزء ذاتینسه - که او ماهیت آدن وسائر دن مترکبدر - ( رکن ) وخارج موقوف علیهنه ( شرط ) وبلا ائیر موصولنه ( سبب ) وائر مترتبته ( حکم ) وفقهاً اولان حال ووشانته ( صفت ) تعبیرو اولور [۱] .

آبدستک رکنی فرضلرندن عبارتدر که اوده درتدر : بوز بیقامق ، اللری دیرسکاره قدر بیقامق ، آیاقلری طوطقلره قدر بیقامق [۲] ، باشک ربعی مسح ایتک .

[۱] بونلره ( أحكام وضعیه ) دینور .

[۲] دیرسکار وطوطقلر دخی بیفانور . ( بیقامق ) صوبی آفتمقله اوله جفتدن صوبی سورنک یاخود آبدست اعضاسنی یاش بز ویاسونکر ایله ایصلاقم کافی دکلدز .